

44. *Heteracia Szovitsi* Fisch. et Mey.

α. *typica*; pappo achaeniorum interiorum piloso, rostrum dimidium circiter aequante.

H. Szovitsi Fisch. et Mey, ind. sem. h Petrop. 1835 pag. 39.

In Turkestanicae montibus karatavicis (Sewerzow), in deserto Karaksk. (O. Fedtschenko).

β. *epapposa* Rgl. et Schmalh.; pappo achaeniorum interiorum subinconspicuo v. nullo.

In deserto aralensi in regione fluvii Syr Darja (Borszczow), prope Taschkent (Krause), prope Samarkand et in valle fluvii Sarawschan (O. Fedtschenko).

45. *Mulgedrum thianschamicum* Rgl. et Schmalh.

Robustum, glaberrimum, 1 M. — 1¼ M. altum. Caulis erectus, fistulosus, foliosus, racemo valde elongato simplici v. basi tantum ramoso terminatus. Folia argute dentata v. superiora ciliato-dentata; inferiora lyrata, lacinia terminali maxima hastato-triangulari acuminata, laciniae laterales paucae cum petiolo late alato basi cordato-semiamplexicauli confluentes; folia superiora e basi cordato-semiamplexicauli deltoidea v. oblonga, suprema bracteiformia linearia pedunculis breviora. Capitulorum racemus 40—70 Cm. longus; pedunculis saepe fasciculatis, nudis v. bracteolis paucis vestitis. Capitula oblonga, multiflora. Involucri glaberrimi phylla lineari-oblonga, laxe imbricata, intima exterioribus circiter 4-plo longiora. Receptaculum nudum, subalveolatum. Flores coerulei, involucri duplo superantes. Achaenia oblongo-linearia, multistriata, apicem versus vix attenuata. Pappus pilosus, caducus, disco margine sub lente brevissime ciliolato insertus.

Species maxime affinis M. alpinum Less!, differt «racemō involucrique hispidis, pedunculis semper solitariis, racemō breviorē etc.» In valle fluvii Musart in montibus thianschamicis 5—6000' alt. (A. Regel).